

# ÉIRÍ AMACH NA CÁSCA

## Pacáiste Seomra Ranga



FORÓGRA

An Chomhairle um Oideachas  
Gaeltacha & Gaelscolaíochta



**EPIC** The Irish  
Emigration  
Museum

# AN CHÁISC IN ÉIRINN - STAIR

**In Éirinn, ceanglaítear ceiliúradh na Cásca le ceiliúradh an earraigh agus le féile ársa Cheilteach agus phágánach Imbolc nó Imbolg.**

Tagann na siombailí a bhaineann leis an gCáisc - lena n-áirítear uibheacha, coiníní agus bláthanna - ó na traidisiúin ársa sin, de bhrí gur siombailí iad den earrach, den fhás agus den athbhreith. Cuireann go leor teaghlach síolta nó lusanna an chromchinn timpeall an ama seo.



# AN CHÁISC IN ÉIRINN - CREIDEAMH

**In Éirinn, déantar an Cháisc a cheiliúradh fós go forleathan mar shaoire reiligiúnach, agus is í an ócáid is tábhachtaí san fhéilire Críostaí í.**

Ceiliúrann Críostaithe an tsaoire seo thar thréimhse ceithre lá ó Dhéardaoin na gComaoineach go Domhnach Cásca, agus glactar páirt i roinnt searmanais reiligiúnacha amhail guí ag 'Stáisiúin na Croise' agus freastal ar Aifreann Dhomhnach Cásca.



# AN CHÁISC IN ÉIRINN - BIA

**Bíonn an-tábhacht leis an mbia le linn na Cásca, agus ar cheann de na príomhthraidisiúin, ullmhaítear féasta mór teaghlaigh Domhnach Cásca!**

Is iad na bianna is coitianta a itear an lá sin uaineoil rósta, agus anraith cainneann. Ar bhain tú riamh triail astu? Is minic a fhaigheann páistí uibheacha Cásca seacláide, óna dteaghlach nó ó choinín ar a dtugtar coinín na Cásca!



# AN CHÁISC IN ÉIRINN - DAMHSA

In áiteanna áirithe in Éirinn, is cuid an-tábhachtach de thraidisiún na Cásca é an damhsa freisin.

Éiríonn roinnt teaghlach ag breacadh an lae Domhnach Cásca chun damhsa a dhéanamh mar cheiliúradh ar an lá, agus bíonn comórtas mór damhsa císte ar a dtugtar pruthóg ag daoine eile, agus tugtar cáca nó bairín breac mar dhuais!



# ÉIRÍ AMACH 1916

**Ní hamháin gur ceiliúradh traidisiúnta a bhíonn ar siúl in Éirinn timpeall aimsir na Cásca, is am an-tábhachtach é freisin chun stair na hÉireann a thabhairt chun cuimhne.**

Ba ar Luan Cásca 1916 a tharla eachtra in Éirinn ar a dtugtar 'Éirí Amach na Cásca' sa lá atá inniu ann.



# RIAIL NA BREATAINE

Ag an am sin bhí Éire á rialú ag muintir na Breataine. D'easaontaigh go leor daoine le riail na Breataine in Éirinn agus mar sin theastaigh uathu éirí amach agus poblacht neamhspleách a chruthú – tír faoi cheannas uachtaráin seachas rí nó banríon.

Tugadh Bráithreachas Phoblacht na hÉireann ar an bpríomhghrúpa a bhí á iarraidh sin, agus phleanáil siad éirí amach a tharla in 1916.



# LUAN CÁSCA

**Luan Cásca, an 24 Aibreán 1916, ghlac grúpa mór fear agus ban seilbh ar phríomhfhoirgnimh i gcathair Bhaile Átha Cliath, lena n-áirítear sainchomharthaí tíre amhail Halla na Saoirse, Caisleán Bhaile Átha Cliath agus Ard-Oifig an Phoist, a bhí mar cheanncheathrú ag na reibiliúnaigh freisin.**





# LUAN CÁSCA

**Ar chéimeanna Ard-Oifig an Phoist, léigh ceannaire na reibiliúnach, Pádraig Mac Piarais, dearbhú neamhspleáchais nua na hÉireann, ar a dtugtar anois Forógra 1916.**

Bhí an-tábhacht leis an gcáipéis sin agus luadh inti gur chóir go mbeadh cead ag gach fear agus bean de chuid na hÉireann a bheith i gceannas orthu féin, agus gur chóir go mbeadh an tír saor ó aon idirghabháil ón mBreatain. Thosaigh an troid go luath ina dhiaidh sin ar shráideanna Bhaile Átha Cliath agus scriosadh go leor foirgneamh, gortaíodh a lán daoine, agus fuair beagnach 500 duine bás.



# GÉILLEADH AGUS GABHÁIL

**Tar éis seachtain troda thuig na reibiliúnaigh nach mbeadh siad in ann Arm na Breataine a chloí, agus chun cosc a chur ar aon ghortú nó bás eile, ghéill siad agus gabhadh iad.**

Daoradh chun báis go leor de cheannairí agus d'óglaigh na hÉireann mar thoradh ar thréas (an coir a bhaineann le feall a dhéanamh ar thír rialaithe an duine).



# OIDHREACTH

**Cé nár thacaigh formhór na ndaoine in Éirinn le hÉirí Amach na Cásca i dtús báire, nuair a scaipeadh an scéal go gcuirfí ceannairí chun báis, rinneadh laochra díobh agus thosaigh daoine eile ag tacú leis an gcúis.**

Cé nár éirigh leis na reibiliúnaigh a sprioc a bhaint amach ag an am, lean imeachtaí eile in Éirinn Éirí Amach na Cásca agus sa deireadh bhí Éire ina poblacht neamhspleách.



# RUIRÍ MAC EASMAINN

**Tá cáil na ceannairce ar na hÉireannaigh feadh na staire, mar sin ní haon ionadh é gur tharla eachtraí amhail Éirí Amach na Cásca, faoinar fhoghlaim muid thuas, i stair na hÉireann.**

Tá go leor daoine tábhachtacha ann i gcaitheamh na mblianta a chuir leis an ngné seo de na Gaeil. Tá Ruairí Mac Easmainn ar cheann de na daoine sin s bhfuil eolas le fáil air in EPIC Músaem Imirce na hÉireann.



## SAOL LUATH

**Rugadh Ruairí Mac Easmainn ar 1 Meán Fómhair 1864 i gCuas an Ghainimh, Baile Átha Cliath, i dteaghlach Angla-Éireannach. Dá bhrí sin, bhí idir Bhriotáinigh agus Éireannaigh sa teaghlach. Chaith sé formhór a shaoil ag obair i Státseirbhís na Breataine.**


Gníomhaí daonnúil ba ea é ar feadh a shaoil agus bhí cáil air as an aire mhaith a thug sé do dhaoine eile. Cé go raibh sé ag obair do rialtas na Breataine, thosaigh amhras ag teacht air i dtaca leis an gcóras impiriúil (riail eachtrach i dtíortha eile) tar éis dó a fháil amach chomh holc is agus a caitheadh le daoine de bhunadh na háite san Afraic.



# SIOMBAIL DE THROID NA N-ÉIREANNACH

In 1913, d'éirigh sé as a phost agus chuaigh sé isteach go tapa in Óglaigh na hÉireann – eagraíocht mhíleata a chabhraigh le Bráithreachas Phoblacht na hÉireann agus iad ag troid ar son an neamhspleáchais.

D'oibrigh sé mar earcaitheoir dóibh, agus é ag iarraidh daoine eile a mhealladh troid ar son na cúise. Mar chuid de sin, tháinig cáil dhomhanda air mar shiombail de throid na nÉireannach.



# ÉIRÍ AMACH NA CÁSCA 1916

**Cé go raibh Ruairí ar dhuine de phríomhcheannairí Éirí Amach na Cásca, níor ghlac sé riamh páirt san éirí amach féin!**

Gabhadh é Aoine an Chéasta agus é ag iarraidh gunnaí a smugláil isteach go hÉirinn – go díreach trí lá sular tharla Éirí Amach na Cásca! Nuair a bhris an troid amach, bhí sé i Londain á cheistiú mar gheall ar an mbaint a bhí aige leis. Daoradh chun báis é agus d'éag sé 3 Lúnasa 1916 agus gan é ach 51 bliain d'aois.

